

Broj: 05-02-17-31/2020-21
Sarajevo, 30.09.2020. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem, broj: 05-30-18-R-11/2020 od 24.08.2020. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA – NABAVKA
KOMPJUTERSKE OPREME I KANCELARIJSKIH MAŠINA ZA POTREBE GENERALNOG
SEKRETARIJATA VLADE FEDERACIJE BOSNE I HERCEGOVINE
(LOT 2 – NABAVKA ROBA – KANCELARIJSKE MAŠINE)

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kompjuterske opreme i kancelarijskih mašina za potrebe Generalnog sekretarijata Vlade Federacije Bosne i Hercegovine (LOT 2 – kancelarijske mašine), evidencijski broj nabavke: 05-02-17-31/2020-1, broj Obavještenja o nabavci sa portala javnih nabavki: 854-7-1-69-3-8/20 od 26.08.2020. godine, kao najbolje ocijenjena prihvatljiva ponuda je ponuda ponuđača **FIXIT d.o.o. Sarajevo**, sa ukupnom cijenom ponude bez PDV-a, nakon provedene e-Aukcije, u iznosu **2.150,00 KM**.

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora (najniža cijena), nakon održane e-Aukcije, ponudio je najnižu cijenu.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine-Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 05-02-17-31/2020 od 24.08.2020. godine. Javna nabavka provedena je putem Konkurentskog zahtjeva za dostavu ponuda. Predmet nabavke podijeljen je na dva LOT-a čija je ukupna procijenjena vrijednost nabavke iznosila 18.000,00 KM. Ukupna procijenjena vrijednost nabavke za LOT 2 iznosila je 3.000,00 KM bez PDV-a. Obavijest o nabavci poslana je na objavu 26.08.2020. godine, te je istog dana objavljena na portalu Javnih nabavki pod brojem: 854-7-1-69-3-8/20.

Tendersku dokumentaciju preuzelo je 28 (dvadesetosam) privrednih subjekata, a 5 (pet) ponuđača dostavilo je ponude u predmetnom postupku nabavke za LOT 2. Sve ponude su blagovremeno pristigle. U skladu sa provedenim predmetnim postupkom javne nabavke, ponude za LOT 2 su dostavili sljedeći ponuđači: Time Code d.o.o. Sarajevo, Fixit d.o.o. Sarajevo, TeleGroup d.o.o. Sarajevo, Aspo Rail d.o.o. Sarajevo i Elur d.o.o. Kiseljak.

Komisija za javne nabavke, imenovana Rješenjem, broj: 05-30-18-R-11/2020 od 24.08.2020. godine, izvršila je pregled i ocjenu ponuda, te konstatovala da su, od ukupno 5 (pet) dostavljenih ponuda, prihvatljive 4 (četiri) i to ponude ponuđača: Fixit d.o.o. Sarajevo, TeleGroup d.o.o. Sarajevo, Aspo Rail d.o.o. Sarajevo i Elur d.o.o. Kiseljak, dok je 1 (jedna) neprihvatljiva i to ponuda ponuđača: Time Code d.o.o. Sarajevo.

Ponuda ponuđača Time Code d.o.o. Sarajevo odbačena je iz sljedećeg razloga:

- U Aneksu 3a - OBRAZAC ZA PONUDU – ROBE (KANCELARIJSKE MAŠINE) u tabelarnom prikazu pod rednim brojem 2. kod Naziva - FAX u rubrici "Tehnička specifikacija" traženo je, između ostalog, " brzina dupleks štampe minimalno 20 strana u minuti".

Pregledom Ponude, a u skladu sa gore navedenim ponuđač Time Code d.o.o. Sarajevo za navedenu robu ponudio je fax - model Lexmark MB2236adw, sa brzinom dupleks štampe 18 strana u minuti, a ne " brzina dupleks štampe minimalno 20 strana u minuti " kako je traženo tehničkom specifikacijom.

U skladu sa tačkom V. Odluke o pokretanju postupka javne nabavke, broj: 05-02-17-31/2020 od 24.08.2020. godine provedena je e-Aukcija dana 29.09.2020. godine, za LOT 2, sa početkom u 10.00 sati.

Nakon provedene e-Aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 05-02-17-31/2020-20 od 29.09.2020. godine i Preporuku o izboru najpovoljnijeg ponuđača FIXIT d.o.o. Sarajevo, sa registriranim sjedištem u Sarajevu, ID: 4202048930006 za predmetnu nabavku-LOT 2.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE

Edita Kalajdžić
mr. sc. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove